

Banja Luka, Regionalna konferencija
Prevenција – Upravljanje rizikom – Socijalno osiguranje,
17.-18. Maj 2010.
Izjava učesnika konferencije

Prepoznajući da Seulska deklaracija o sigurnosti i zdravlju na radu služi kao platforma za opredjeljenje od strane TRIPARTITNIH konstituenata u mnogim zemljama, naročito u zemljama članicama RALI-ja, u promovisanju zaštite i zdravlja na radu,

Priznajući potrebu za daljnjom aktivnošću na granskom, nacionalnom i regionalnom nivou u ovom polju da se implementiraju mjere navedene u Seulskoj deklaraciji u pogledu prevencije, upravljanja rizikom i socijalnog osiguranja putem ispunjavanja nacionalnih politika, upravljanja rizicima i promovisanja socijalnog osiguranja, naročito u području rudarstva i sličnim visokorizičnim industrijama,

Prepoznajući da će strategija osiguranja od nesreća, prevencije nesreća i upravljanja rizikom doprinijeti implementaciji sigurnosne mreže i strategije socijalnog osiguranja,

Priznajući važnost regionalne i međunarodne saradnje u inspekciji rada kako bi se zadovoljile potrebe globalizovane radne snage, i

Podsjećajući se na Zaključke i Smjernice druge RALI konferencije održane u Beogradu u oktobru 2009.,

Konferencija predlaže da članice RALI-ja izvrše slijedeće:

1. Prikupe i podijele informacije i poboljšaju sistema za osiguranje od nesreća na radnom mjestu i profesionalnih bolesti, i da podnose izvještaje o nesrećama i bolestima na radnom mjestu, kao i druge preventivne mjere i da sprovedu komparativne studije u ovim oblastima;
2. Dodatno razviju sisteme inspekcije rada, naročito putem obezbjeđenja adekvatnih neophodnih sredstava kako bi svoje usluge sprovodili na odgovarajući način, obukom inspektora i putem promovisanja integriteta i profesionalizma, također putem usvajanja IALI Globalnog kodeksa integriteta za inspekciju rada;
3. Osnaže mreže eksperata iz oblasti sigurnosti i zdravlja na radu i profesionalnih instituta u preduzeću, granama, na nacionalnom i regionalnom nivou da bi se promovisala prevencija, da bi se procijenio rizik i da bi se njime upravljalo, te da se razviju sistemi socijalnog osiguranja, kao i

da se promoviše integracija obuke iz oblasti sigurnosti i zdravlja na radu u radne kvalifikacije i druge programe stručnih obuka;

4. Promovišu ratifikaciju i primjenu MOR-ovog promotivnog okvira za OSH Konvenciju (br. 187, 2006), kao i druge relevantne MOR-ove konvencije, i da obezbijede potpunu primjenu u nacionalnom zakonu i praksi onih konvencija koje su već ratifikovane;
5. Promovišu primjenu MOR-ovih smjernica o OSH sistemima za upravljanje (ILO OSH-MS 2001) i drugih ključnih MOR-ovih OSH instrumenata;
6. Intenziviraju saradnju i dijalog između zemalja članica RALI-ja sa ISSA-om, MOR-om i IALI-em, Evropskom unijom, Korejom, Njemačkom i drugim zemljama, a u vezi sa mjerama prevencije nesreća i bolesti na radnom mjestu, socijalnim osiguranjem, efektivnom i profesionalnom inspekcijom rada, uključujući i mjere za borbu protiv rada na crno;
7. Promovišu primjenu principa iskazanih u Seulskoj deklaraciji u preduzećima, naročito malim i srednjim preduzećima, visokorizičnim industrijskim granama, u zemljama i regionu uopšte;
8. Podstaknu prikupljanje domaćih primjera najbolje prakse, i da podijele informacije i dobre prakse o sigurnosti i zdravlju na radu i u inspekciji rada putem RALI-ja, da izvještavaju o tome redovno na RALI sastancima, ako je moguće na sistematičan način, i da uključe prevenciju, upravljanje rizikom i osiguranje od nesreća na radnom mjestu i profesionalnih bolesti u OSH plan aktivnosti zemalja članica RALI-ja; i
9. Organizuju redovne sastanke da podijele informacije o implementaciji Izjave sa ove konferencije.

Banja Luka, 18. maj, 2010.